

երկայն եւ բարձր եւ լայն, թրծած քարրիճէ, չէնքն աւեր: 50

Եւ անտի եկեալ մտաք ի Սարայըն փաշաին, որ էր մեծ, իրրեւ քաղաք էր մեծ. եւ շրջէին ի բակն մեծամեծ տէվէխուշիք, որ է ջայլամ, սղրուս⁸. ոսովին ըզտու, գլուխն փոքր իրր սագի, վիզն երկայն եւ ինքն մեծ քան 55
զուզտ, եւ թեւն թռչնոյ. սմայ ասին՝ թուր. նա յոտան ցուցանէր. բեռն կամէին բառնալ, նա ասէր՝ թռչուն եմ: Այլ եւ գտանի սա յամէն մեծամեծաց դրունս. եւ հաւկիթն վեց դրամ եւ ութ: 60

Եւ դադան մի կայ անդ՝ կոկորդիլոս, Լէհ բաղիլէս կ'ասէ, Նեղոս գետեղերօքն լինի յուրով. չար եւ փնասակար է. յառաջ մարդ չէր կարէր անցանել կամ քաղաքն բնակել. Աղէկսանդր Մակեդոնացին տլիսմ է արել, ա- 65
սին, որ սատկեցան եւ այլ չերեւին քաղաքն, բայց թէ հեռու տեղիս: Եւ կաշիք նոցա այն- պէս ամուր եւ պինտ է քան զերկաթ. ոչ սուր, ոչ թՓաք, ոչ սլաք չի մտնէ. վասն այն դրանց վրայ զարկած է, զոր այլ տեղ երկաթ: Այլ 70
եւ տեսաք զանազան ձկունս, զազանս, զբուռնս: Եւ օղի մի ձկան էր կախած սարային դուռն, զրկաչափ հաստութիւնն եւ իրեք խուլած երկայնութիւն: 75

Եւ սարայ մի այլ կայր տէֆդերտարին 75

49 քարրիճէ: — 54 ջալամ... օղտու: — 73 խուլած:

⁸ Լեհերէն՝ struś, ջայլամ: